

主 編 卞甫

副 主 編 陳玉宇

明代基本史料叢刊·文集卷
(第一輯)

「洪武、建文朝」

六

綫裝書局

宋學士文集卷第四十二

芝園集卷第二

方氏族譜序

惟方姓出自方雷氏方雷者西陵氏女軒轅之正妃是爲嫫祖或曰榆岡之子曰雷封於方山後人因以方爲氏未詳孰是周宣王時方叔食邑於洛故世望于河南至西漢末新莽將篡位司馬府長史紘官於吳中度天下必大亂即避去歛之東鄉回家焉生一子雄雄生三子儼儼儼儼關內侯行南部太守儼大都督儲字聖明一字願真太守周歆舉爲孝廉又舉賢良方正第一累官太常無洛陽令封黠縣侯和帝時下郊忤上意飲鴆而卒儲能役使鬼神故鄉人立廟祀之稱其爲僊翁云僊翁生三子續之弘之觀之一云覲洪觀蓋傳文之異辭爾子孫分爲三族其布列於諸州者續之之後則嚴衢婺越弘之之後則徽宣也秀湖常觀之之後則莆田九江滁陽至今繁盛續之遠裔曰文亮仕陳爲散騎常侍生南

昌令倫倫生隨秘書郎祚祚生太中大夫伸伸生唐太子中
舍享享生右衛將軍始興始興生二子尊逢逢考功郎中秦
州刺史生皓皓生吏部員外郎苗苗生三子堂常褚褚宣遠
將軍堂永陽令生二子達讓達生三子引文引武引祖引文
生道屬道屬生四子聰尊甲乙聰生四子道和令興令安令
保令興生世雄世雄生道明道明生二子赦講講生君讚君
讚生三子公懇公平公郁生二子整漢衛史中丞生刑
部尚書景漢生四子宗案案宥宗浙東觀察推官生三子永
珍永符永豐永豐生十子可榮可昭可暉可浚可瓔可齊可
同可度可剛可法可暉生肅肅生玄英處士干千字雄飛世
居睦州白雲原以詩名後隱越之鑑湖以終生二子翼嚴翼
小字託兒無嗣嚴生二子甲述甲亡其名生景先述生三子
景珍景珣傳景先生二子彦超彦安景珍生三子彦誠彦暉
彦瓊復自越還居睦景珣生三子承俊承邦承威傳生一子

承招自彥起而下踰為九房諸孫復布列于浙河之東多仕
吳越錢氏宋太平興國三年錢俶納土有自睦徙台州黃巖
者曰二四府君雖宗之述不知繫之何房之下既而君又卜
遷明之象山未幾又自象山徙寧海侯城里始定居焉至熙
寧元豐豐間其族漸大讀書為文辭者後先相望迄于宋季
不衰同郡縣而居若臨海之鮫峯天台之龜峯寧海之愛山
皆號詩書之宗其先同出於睦載諸家乘者甚詳不幸元初
毀於兵今皆不可知矣府君十四代孫文大為是而懼不可
知者則畧之其稍可知者不問親踈而惓惓並着之成書一
篇以傳於後嗣文大之從子孝懦從余學經因命來求序予
聞方之族自長史南遷蔓延數郡以科目發身登法從膺郡
寄者在在而是北則濶廖罕聞近世遂指為希姓然據新定
別譜則謂長史晉元熙間人仙翁仕梁在武帝時而文亮乃
為之子也唐監察御史張友成所造仙翁廟碑及莆田譜圖

記復謂長史官於西漢之李則仙翁實長史之孫距梁當甚遠史傳無明文未敢妄加臆斷而姑以碑爲正大抵江南之方要皆仙翁苗裔自雉山而分者又爲睦州刺史亮之派自白雲原而分者多爲玄英處士之支雉山屬淳安亮則汪華之將武德四年舉睦州附唐者也今文大之先出於玄英雖曰圖謀喪亡稍闕其所繫屬當無可疑者故予爲稽玄英也譜特著承傳次第以補其闕畧猶文大之前志也好古博雅君子尚是正焉洪武十年夏四月十五日前翰林學士承旨金華宋濂謹序

予按方回桐江集所載天下之方姓皆出於歙縣歙縣之東鄉今析爲嚴之淳安蓋予鼻祖紘西漢不仕王莽避地時所居仙翁儲之墓在縣學前廟祀則徽嚴山中皆有之曰真應廟徽嚴之方莆之方信之鵝湖之方屢出名卿顯人又按秘書省正字方翥莆田譜圖記所紀王莽之際衣

冠流離有名絃字子纓者渡江而宅吳中以二說參之皆本於張友成仙翁廟記所以先後如出一轍獨新定別譜謂仙翁爲新定人祖絃晉元熙間爲郡功曹父雄生三子長儕娶司空謝安女次即仙翁季曰儼字叔威當南齊世與仙翁皆隱不仕及梁武帝即位仙翁始舉秀才終官大常卿竊意謝安卒於晉孝武太元十年卒後三十餘年始至恭帝之元熙又歷宋齊八十餘年而至梁度其時儕必尚存相去如此之久而曰娶安之女似無斯理也儕事且然不知仙翁仕梁之事其果足信矣乎又謂仙翁三子長曰觀次曰覲季曰洪而著作郎方仁傑閩系錄則云仙翁三子讚之弘之觀之譜圖記亦然蓋觀字正同弘則避宋宣祖諱改爲洪以弘與洪音義相近唯覲與讚稍異耳無乃傳聞之易訛耶惟方氏固爲江南望族而玄英之支子孫尤衆其九世孫監察御史蒙自記白雲原之族時有二

十三院實治平之四年至淳熙初呂太史伯恭見於文辭又云雲源枝葉甚蕃一源數百家聯譜合牒衣冠文物之盛鄉人紀之嗚呼亦可謂昌且熾矣今文太所譜又略不知其源流之詳頗閱勾無譜其稱玄英弟三世諱述之下註云子孫遷寧海之侯城因據之爲正且爲牽引諸書而一辨之亦補闕之義也至若莆田之方則唐昭宗時守長史諱琬始遷琬生御史中丞殷符殷符生七子延康延年延範延遠延英延輝延滔最號貴顯延安戶部侍郎子孫或家滁陽延滔左僕射其後人或遷饒信江蘇諸郡琬亦出觀之之裔因爲玄英異支謂其徙於光之固始者則非予恐讀茲序者有疑而不釋謾一疏之不覺其辭之縷縷也是月十八日濂又題

鄭母蔣夫人墓志銘有序

鄭母蔣夫人諱某字某其先居光之光山五代末有諱光者

徙毗陵再徙郵今爲郵人先生宗霸宗霸生侃侃生贈金紫
光祿大夫浚明光祿生崇寧某甲子進士某官贈宣奉大夫
琬宣生奉通判台州贈中奉大夫榘中奉生南昌通判贈太
中大夫如愚太中生峴嶠峴慶元丙辰進士刑部尚書寶章
閣學士階正奉大夫嶠隱居弗仕夫人之曾大父也大父遜
父某踰處士善孫妣趙氏夫人生簪纓家進退皆有度處士
愛之不肯與凡子初處士之女弟歸同郡某路學錄鄭方叔
生某路教授覺民覺民字以道居弱齡時文行燦燦流聞處
士喜曰吾久擇婿無踰此甥也遂歸之夫人既至事舅姑甚
恭謹衣之煥寒食之早莫咸懸懸入念慮唯恐有弗及姑患
眊目教授君日候床下以舌舐之夫人必與俱問姑所欲爲
而退姑歿舅春秋高卧病不能興在衽席者數年夫人烹鍊
藥劑候火性剛柔必盡其功乃進久而愈處舅常謂人曰吾
聞孝婦當產佳兒有若蔣婦其子將亢吾宗乎舅既歿教授

君令警日廣貴人家暨閭里之族競以厚幣聘爲塾師家政
悉仰於夫人夫人不動聲色具有條序米鹽細故日親涖之
而不憚煩雖貧賤患難有不恤也教授君有妹適趙某生一
子一女病手足拘攣殊若甚夫人遣介候問無虛月及卒鬻
環釧爲具棺歛且不避塗潦送之葬所未幾其子亦卒歛之
如其母竭力嫁其女於士族中外皆稱其賢教授君歿夫人
衰慟幾致隕絕戒後者治塋具必誠必信無毫毛可憾既葬
歲時躬自省視且將結廬墓左以俟同穴一旦無疾而卒洪
武三年十月十九日也壽六十九四年十月五日祔葬教授
君墓墓在鄆縣西奧山之原初葬教授君時啓殯而雨執紼
者衣爲盡濕夫人泣曰雨不克塋書于春秋故在廟未發之
時得爲雨止今既在塗矣如之何異日獲從夫子使果雨也
其必少止矣乎及是天日清朗送者縞素哭泣盡哀而去人
以爲遂夫人之願云夫人子男子三長曰駒義烏縣學教諭

次曰真鄉貢進士臨濠縣學教諭皆以文學稱于時李曰鳳
某縣主簿子女子二一適同郡劉濬一適天台葉亮元季兵
禍作死於節義孫男五翁昇同昇東昇允昇復昇孫女三皆
幼惟四明宦族莫久於蔣氏重珪疊組幾與宗室相始終故
其賢女之可書有如此者禮義涵濡之功誠不可誣也濬與
故太史危君素游備聞教授君之行與夫人之賢教授君之
墓危君嘗銘之獨夫人未有所傳前年之冬扈從
皇太子游荆山真逆拜道左惓惓以爲言今年春蒙
恩致政而歸駒復來謁哀請如真有過無不及焉濬故特書
其世齋之詳俾勒於墓碑以見君子之澤久傳而不斬庶可
少爲流俗之勸嗚呼夫人亦可謂之有子矣夫銘曰
其德肫肫其行以孝聞其訓子熾然而文其無忝伐閱之子
孫洪武十年夏四月具官宋濬撰

雙桂軒記

瀟侍經

青宮時四明桂君彥良實爲正字朝夕同出
禁中怡怡然侃侃然異姓兄弟也彥良間謂瀟曰吾家
在慈溪世舉進士或知望縣或司六察或帶閣職連綰郡章
聲明文物固嘗盛矣故昔人稱其所居爲攀桂里會宋亡爲
元業書詩者猶不廢區區雖不文亦以學詩獲與鄉貢之選
二子冢曰慎介曰全今逢盛時復者學不厭思欲趾前人遺
芳顧南榮有桂一章雙榦直上始合于一又復岐而旁達妍
茂紛糝香滿戶庭私竊以爲桂吾姓也其殆符二子文字之
祥乎讀書之室遂以雙桂命焉慎嘗從吾子受經幸有以記
其事夫桂之爲木歷代頗貴之至唐重進士科貴之尤甚每
藉之以爲喻蓋俗傳月中有桂桂苟在月孰得而攀之其意
若曰擢第之難猶平地而升青霄云爾非實指夫桂也元豐
之末新定有二倪生曰直侯曰直儒相繼中進士第郡守因
表其坊曰雙桂非惟新定之爲然也彥良之鄉有蔣氏伯仲

馬曰璿曰琬陳忠肅公之弟子也紹聖崇寧間亦先後發高科公因號其堂曰連桂由是而觀以桂旌坊又以名其堂則前所謂桂者似實而非虛也雖然古之人立言而比興爲多其在楚辭則桂與申椒木蘭並稱此無它芬香之物足以取譬君子也芬香之物當以類相應而卉木又得氣之最先者庸詎知雙桂不爲二子之祥乎今慎也端毅自持而辭童後麗全也趨善若水而期於無息皦然雙壁光彩交映剛而致之二倪兩蔣之問學直易易耳連捧貢函同策大廷亦宜也未見其爲難也然而名者造物之所深忌桂氏自先世以來多以科目發身聞譽隆蔚達于遐邇至于彥良猶且不墮其業二子復將起而繼之斯所謂難也視彼倏榮忽悴父不能及子者果何如哉果何如哉桂之爲祥兆又見於斯惡得不爲彥良喜揚伯子有言曰桂之雙人之祥濂於彥良亦云遂書之以爲記

郭考功文集序

國家當興王之運其人才必超出常倫訐謨定命足以創業而垂統奉將天罰足以威加乎海內至於文學侍從之臣亦皆博習經藝彰露文綵足以備顧問資政化所以竭其彌綸輔翼之責作其發揚蹈厉之勇據其獻替贊襄之益致其黼黻藻會之盛此皆天也天意已定於冥冥之中楚生材而晉實用之撥亂世反之正昭宣人文而風動四方夫豈細故也哉洪武七年秋濂侍 皇上升武樓賜坐其側從容問曰天下雖定朕猶垂意宿學之士卿能知其人乎濂對曰會稽有郭傳者其字爲文遠寄迹釋氏法中其學有淵源其文雄贍新麗而精魄焜煌其論議崇欲皆根據乎六經波瀾相推若不知其所窮誠一代奇才也 上頷之未幾復召濂謂曰郭傳之文卿可持至朕將親覽焉時文遠偶以文一卷來貺因所以進 上覽已笑曰誠如卿言會丞相暨

御史大夫來朝命內使出示之且褒嘉至再即日召見於
謹身殿奏對稱旨詔銓曹擢為應奉翰林文字於是文遠
日侍左右以備顧問賜予便蕃不一而足每命題俾撰
文若詩輒見賞愛文遠自以受知之深精白一心以承休
德凡可以獻替者咸無隱情已而陞修起居注遷考功丞而
眷注益隆矣今年春濂蒙特恩謝事東歸時與文遠別文
遠盡出所為文請濂序其首嗚呼古今辭章之士未嘗乏人
第患知之者鮮爾州里中知之已聊足自慰况於卿大夫乎
卿大夫知之則聲聞漸著亦可表見于世况於諸侯乎諸侯
知之則光輝四達十百之中僅一二見焉人且豔之曰是夫
也為人不知翅足矣况上簡聖天子之知而屢見褒辭
者乎然聖人之言即天也文遠之文天且知之矣則
其際遇有道之朝恭承寵靈可謂千載一時者矣昔宋
之孝宗嘗於禁中觀蘇子瞻文史臣書之以為至樂此異世

尚爾今文遠親受知於

聖明其為榮輝又當何如哉

他日文遠道益行文益顯史臣必為立傳與經國諸臣同載
簡冊以見興王之運人材之出皆非細故豈不為盛典歟
瀛也不敏薩日哀而學日落綴日以文自娛其視文遠殆猶土
鏘之於殷敦序諸首簡能不自愧乎雖然瀛知文遠之文者
也相知者不一言疇將言之因不敢牢讓文遠宜刪正焉可
也

恒齋銘

考功丞李君名未未為恒久之義遂以守恒為之字復自號
其藏脩之所曰恒齋易有之恒久也蓋恒之為卦震上而巽
下雷震風發二者勢必相須所恒久而不已也李君有學有
守之人也既取是義為字與名又揭以命齋其篤於信道常
而能久者歟為著銘曰天地之道恒而不窮剛柔相應雷動
風從君子觀象隨時變易終始循環唯道之適苟執一塗子

莫之中無權以行是謂真凶日月在天旋運不息躔次所經
罔有差忒陽陰代謝寒暑迭更盪摩呼吸萬物乃成唯久故
恒動有常則唯恒故久靜不留物聖有明訓樹此教基逐物
而遷有愧巫醫侃侃李君所學淵奧立不易方大中是蹈彼
不度勢獨浚之求或處非據無禽致羞孰正孰偏有若白黑
慎而行之永保終吉

三益軒記

明之昌國徐君元凱嗜古好脩鄉邦稱為善士生子男子三
長曰友直字孟益次曰友諒字仲益又次曰友聞字季益家
雖貧徐君能使其頌詩讀書弗輟且因其字名軒曰三益以
勵之友聞自郡諸生貢入成均近奉 旨受事中書頗與予
相親時來執經問難遂以軒記為請夫益之為卦其象為風
雷風雷激則風怒風激則雷迅二者不待相期而相益者也
君子觀之見善則吾將遷焉有過則吾將改焉而其為益也